

ITLF BULLETIN

A Publication of ITLF Media & Publicity Department

VOLUME I-ISSUE NO 31

INDIGENOUS TRIBAL LEADERS' FORUM

TUESDAY 18 JULY 2023

Joint Public Interaction neih in om; MLate leh ITLF leader ten report pia

July 17, 2023 ni zinglam dak 11 in YPA GHQ Hall, Hiangtam Lamka ah ITLF makaihna nuai ah Joint Public Interaction program zat in om hi. Rev Ruolhlei Pakhuongte in Pathian kiang a hun latna a neih zoh in ITLF Steering Committee Chairman Pu Chinngaihpa in mipi paikhawmte vaidawmna nei a, singtangmi MLate tang in Pu Ngursanglur, Pu Chinlunthang leh Pu Letzamang in report pia ua, ITLF lam akipan Pu Muan Tombing, Secretary ITLF in Delhi zinna report pia hi.

MLA lam akipan houlimna Pu Ngursanglur, Tipaimukh MLA in nei masa a, amah in a genna ah MLA ten Home Minister akimuhpihna ua pan ei a ding solution khat hon bawlsak gintathuai a sakdan gen hi. Mipite kithutuaktak a pangkhawm a i unity i suksiat kei nak uleh political solution bang hiam hong om ngei lam en ahih dan gen kawm in mipi hanthawn hi.

Singngat MLA Pu Chinlunthang in singtangmi MLA 10 teng in kithutuaktak a kal a suankhawm theihna ding un amau sung a forum khat bawl ahih dan mipi theih ding in pulakna nei hi. 3rd May ni a MLAt ten buaina a tuahte uh gen a, mipite aw ngaikhia leh mi tampi consult ahih nung un 12 May in mipi deihna toh kituak in *Total Separation from Manipur* demand Guwahati ah MLA ten ana puangkhia uh ahih dan gen hi. Hiai demand mah Amit Shah kiang ah 15 May in ana pelut uh ahih dan le gen hi. 17 May ni in BJP President JP Nanda kiang a le 'separate administration for the hill people of Manipur' chih ngetna ana bawl uhi. 17 May ni mah in Aizawl ah eilam CSO tuamtuam ITLF, ZC, HI, KIM, COTU, HTC, KCA leh a dangdangte toh kimuhkhawmna nei ua, hiai hun ah amau MLA ten ana paipih uh "Total Separation from Manipur" pompihna neikhawm uh ahih dan gen hi. Huchi in khakhat zoh nung 17 June in YMCA Hall, Greater Noida ah SoO group leh CSOs te toh MLate meeting neikhawm nawn ua, hiai hun ah SoO group in le a demand lui uh paisan in "Total Separation from Manipur" mah paipihta uh ahi chi hi. Huai ziak in hiai akipan i MLate hita leh, i CSOte uh hita leh i SoO group ten demand khat nei a paikhawm i hita uh chi hi. Manipur govt akipan Show Cause notice i MLA ten nihvei mu uh ahih

dan gen ua, amauten laulou a, poisalou ahih dan uh gen hi. Tutung i buaina ua Mizoram govt leh CSOs te a hon kithuahpihna tung uah kipahthu mipi mai ah gen hi. Tu in maban a Parliament session kipan nawnpah ding ahih man in i buaina uh toh kisai a hon panpih ding MP tuamtuam lobby bawl in i MLate pang uh ahih dan gen hi.

A banzom in Pu Letzamang, Henglep MLA in thugenna nei a, 3rd May a i SoO group ten Territorial Council dia suai ana kai deklai i buaina ziak ua kaitheilou a om ahih man un, 'divine intervention' ziak ahi chi hi. Tu in a hoihzaw 'Total Separation from Manipur' demand khawm thei in i omta uh chi hi. I movement uh hun bangtan hon daih ding theihlouh ahih man in siamsinna school-te class 9 tunglam bek honsak hihen la, nek leh tak zontheihna ding ni tamzaw hun honsak ding a deihdan gen hi. Israel Pathian hing bia i hih man un Aman gal hon zousak di ahi chi hi.

ITLF Secretary Muan Tombing in Delhi a zinna uh report a banzom in pia hi. 2nd June nitak nung a Delhi a kimu dia NIA, RAW leh IB ten a sap nung uh Govt lam in i dinmun uh theisiamta uh ahih dan gen hi. Tutung Delhi a zinna ua IB Director Mandeep Singh leh Interlocutor AK Mishra toh hun sawtkuam a houlimna uah Short term leh long term a septhaih dite houlim khawm uh ahih dan gen hi. 'Violence should come to an end' chih a ngiatna uah amau in lemna a om ma a solution a om ding chih genpih ua, kou hon attack gige Meiteite khoudai leuteh violence om nawnlou mai di ahi ka chi uh chi hi. Misi vuina di toh kisai, displaced personte khosakna di, govt akipan thau kilakhete piakkik di, loubawl sutzop ding leh NH 2 hon dite govt lam in gen uh chi hi. Meitei ten thau 4000 val a lakte uh a piakkik vek ma uh kou ka hon pekei ding ua, a ziak kou kalakte uh amau hon douna ua kivenna dia zang ka hi uh chi uhi. Bang ziak a Jiribam highway kihong zen pi NH2 hon huchi buaipih na hi uhiam, chih dotna a bawl na ua, govt lam in 'good gesture' ka deih ziak uh ahi chi ua. Amau in le good gesture bawl na in mat a om Meitei mi 5 kapekhia uh chi ua, govt lam in le theisiam ahih dan gen uhi. Long term toh kisai ahih leh Political Demand ahi a, ka SoO groupte toh hun sawtpek a hiai thu houlimsa na hih

ziak un political demand pen ka SoO groupthe khut a koihkhia ka hi uh chi hi. Amit Shah in rehabilitation a dia 101 crores a puan pen central govt in pekhe nailou ahih dan gen uhi. Govt lam in nou lam na sung uah kituahlouhna tampi om ahi chih a dawnna uah, insung khat a le unau tuamtumte kituak gige chih omlou mah ahi, himahleh ka demand uh 'total separation from Manipur' a kithutuak ka hi uh chi uhi. MTFD malakna phathuai ahih dan gen

a, maban a le nna tampi sepkhawm di omlai ahih dan gen hi. Guwahati a eimi welfare tuamtum toh akimuhna uh le report gen a, eimi officer taikhete inlam hong kik a, district tuamtum a join nawn ding in le ngetna bawl hi. I unity uh tatsaklou a pangtou ding in mipi paikhawmte hantawn hi. Mipi lam a comment bangzah hiam om a, Rev Chinzathang in hunkhakna thumna nei in hun khak in om hi.

EDITORIAL

ITLF a kiphukhiak nasan ahih leh i Lamka district sung a singtangmite sukha issue tuamtum enkai di pawl gina a om louh zaak a awlmohna toh Lamka district sung a recognised tribe om teng in ITLF ana phukhiak uh ahi. ITLF in nomenclature paipih lou a, huai zaak mah in singtangmi "tribal" chih kammal zang in Indigenous Tribal Leaders' Forum ana chi uhi.

A paisa 19 April 2023 ni a Public Consultation Meeting hun ah Forest Reserved vai leh a dangdang issue toh kisai a ma la ding in mipi paikhawmte'n ITLF lemsakna pia uhi. Huchi in lamet hetlouh pi in 3rd May in buaina i tuak ua, ITLF in i movement uh ma hon la toutou suak hi.

Galdou i hih man un ITLF hatzawk semna ding in ITLF department tuamtum - Finance, Relief, Defence, Media, Women, Legal, Planning leh Steering Committee te bawlkhiak in om hi. Hiai department-te ah tribe tuamtum a philanthropic, student organisation ban ah pawl tuamtum ten pan la vek uhi.

Kha nih val kithutuaktak a gal i dou nung un credit deihi lak uah hong om panpan a, poi mahmah hi. I panlaknate mipi in theikei kha in teh chih lauhna nei om mah bang in nasatak a kiphoulakna muh ding hong om a, poi i sa mahmah hi. Hiai i buaina uah aneu alian, gam polam a om hita leh amun om hita leh, singnuaimi leh singnuaimilou i vek ua pan lavek i hi. Tu hun credit lak hun hinailou ahi. Credit deihi luat zaak a "kou pan lakna zaak" chihchih in panla midangte thadahsak thei ding a, i kithutuahna "unity" buaisak thei ding hi. Huai ziakin i tup leh deihi "Total Separation from Manipur" i muhma credit kituhnai dah phot ni.

I district ah ITLF in ma a hon laknakleh ITLF nungthuap siausiau leng deihihuai mahmah hi. ITLF sep bangbang naktak a pawl dang in ana sep Chiang in, hun leh tha zangdiklou suak dia, phattuumna tamlou ding hi. ITLF i nungthuap ut kei tak leh leng elbawl zaw lou in, ITLF in pan a lakzohlouhna area tampi omte ah pan ana lazaw leng i movement a dia phatuam zaw ding hi.

UPDATE TILL 18 JULY 2023



114
CONFIRMED DEATHS



197
VILLAGES BURNED



7000+
HOUSES BURNED



359
CHURCHES BURNED



41425
DISPLACED PERSONS



204
RELIEF CAMPS

RELIEF SUPPORT

Office: ITLF Secretariat, Hiangtam Lamka

Contacts:

Mangcha Thangzom – 8837368373 (Convenor)

V. Gouthianmuan - 9862086583 (Co-Convenor)

FINANCIAL SUPPORT

Office: ITLF Secretariat, Hiangtam Lamka

ITLF Joint Bank Account:

Name: Henkhopao Haokip & N. Vialkhanthang

Account No: 41912626404

IFSC: SBIN0064016 | Bank: SBI Salbung Branch